






祭輓彙錄卷十一

祭文

維

康熙五十五年歲次丙申四月庚寅朔越四日癸巳年家眷晚生魏盟江宣儒徐瑞玉謹以瓣香束帛清酌庶饗之儀致祭於

皇清誥封光祿大夫內閣中書加十二級景翁項老先生之靈曰嗚呼惟公天都鍾秀練水降精爰爲人傑實萃地靈幼學夙成弱齡早慧髦士辟易老成敬畏旣文且行乃才而德天賦不偏齒角足翼德比琳瑯才程竹箭領襲人倫馳驅華甸性質敦厚





各車宴金卷十一  
輔義輔仁溫同良玉直比貞筠以悅二人有甘有  
旨定省晨昏高堂燕喜伏臘歲時恒虔祀典肴核  
維奠豆籩有踐藏舟大壑剗采丘園敬宗睦族立  
塾置田鄰有死喪賻之襚之族多窶乏衣之食之  
遇人急難赴義如爭流風遐邇見重衣纓其或負  
公攘羸胠篋搖首置之譬猶一呷慈惠蘊中溫和  
被物周行之砥儉歲之穀千頃恢襟三省滌已近  
代之賢如公者幾未竟之緒貽厥象賢絳維軾轍  
濟美蟬聯石奮家規延之廷誥詩詠素絲嗣君則  
倣紛紛世俗喧寂炎涼公也旁觀獨濯滄浪晴霞  
放鶴淶水觀鷗昔陪歡宴今杳風流猗歟我公識

定神全彭殤一致生死齊觀年甫古稀盛德在望  
適南有車如何殞喪高朗令終休風永譽乘化以  
來御虛而去神遊於天晝日夜星一朝萬古豈必  
千齡我獨銜悲百身莫贖國鮮典型邦無耆宿哀  
我人斯有懷靡及涕旣隕之其何終極乃酌江水  
乃薦江蘋玉樓化鶴容與來臨哀哉尚  
饗



維

康熙五十五年歲次丙申四月庚寅朔越二日辛卯年家眷晚生談謙談訓謹以瓣香束帛清酌庶饗之儀致祭於

皇清誥封光祿大夫景原項太翁老先生之靈而言曰  
嗚呼當代有耆彥碩德焉其風猷堪勒於貞珉休  
光永被於人寰一旦昊天不弔馭鶴乘虬凡所識  
者莫不震悼悽愴傷人琴於俱沒痛大雅之云亡  
從古如斯今豈異昔况以三世深交百年長逝典  
型凋謝俯仰何依哲人梁木之悲烏能已已我太  
翁來邦即與先君子交數十年如一日謙等束髮



時每聞先君子品藻人豪必以太翁為人倫冠冕  
繼隨先君子追陪杖履維時瞻紫芝之眉宇則嶽  
峙淵渟聆太傅之清言則珠圓玉潤益信大人先  
生之迥然異也迨長而周旋於主政監司昆李間  
諸君子雲蒸霞蔚或珥筆

彤廷或佐治千里或竝轡雞林功業文章彪炳炳未  
嘗不羨我太翁箕裘之善而詩禮之傳也邇年來  
弟訓又與修渠兄昆玉縞紵銘心往來益密登元  
禮之堂侍北海之樽問起居親謦欬日廣所未聞  
見蓋十餘年來太翁之風旨言論足以醉心飫聽  
者滿貯胸臆間矣至是更歎先君子疇昔之推重

為不虛云乃復泰山無讓土壤河海不擇細流每  
有所謀時示商確更不惜齒頰餘芳吹枯噓菀則  
謙之承休沐德正未易一二數也至若太翁瑰意  
竒行更僕難窮生平尊祖敬宗入孝出弟竭萬金  
以葺宗祠而先靈妥侑造石堤以障洪水而宗族  
乂安書堂復則先澤以彰義田設則族姓以給修  
學宮誨子弟澤流外家惠施三黨解紛排難而不  
尸其德卹辜白枉而不使知其名與人交城府不  
立形迹兩忘居家庭訓唯以忠孝為先是以舍人  
媲美於熙寧士元展足於治中子姓繩繩相繼蜚  
鳴而五十年間手握麤筦長淮推重又其緒餘耳



如太翁之懿美他日必

國史書之家乘載之行見

龍章鳳誥賁幽宮光泉壤者且方來未已此固無俟謙  
等之縷陳也獨以世誼之隆典型自昔忽焉人往  
風微私痛實深嗚呼登其堂遺容儼然而已披其  
帷貍首斑然而已烏能禁泪泫泫而涕潸潸耶臨  
風布奠來格來歆尚

饗

維

康熙五十五年歲次丙申四月庚寅朔越祭日癸  
巳年家眷晚生畢楷王永年汪錢范旭程士聖張  
光弼程其著吳洪仕黃一均詹文番袁景家吳頊  
孫程德龍余嗣蕃等謹以牲帛庶饘之儀致祭於  
皇清誥封光祿大夫景翁項老太翁先生之靈曰嗚呼  
維靈間世之英累世耆德奕葉簪纓載考世系姬  
周裔初循國命氏避地錦城晉司馬後移隱新寧  
黃山鍾秀白嶽儲精纏綿累積甫降申生克岐克  
嶷偉然大器經書默識了無疑滯負笈武林名師  
獨契羽儀王國霖雨當世竹帛勲名何難身致緬



懷明發懼缺旨供挾策維揚籌醴最工奉親承志  
朝夕雍容怡怡色養大耋令終丹旄會葬寢授佳  
壙純孝昭格錫類奚窮遡翁生平性情真摯智圓  
行方勤敏果毅和順英華文質兼備聲譽藉然冠  
蓋輻集交訂紀羣稱道弗置東海文恪歡情尤浹  
迨若醴政所貴調燮繡衣使者諮諏必及指掌列  
眷條分縷析五十年間紀綱攸執憶昔

翠華臨莅南天推翁老成持重為賢緩徵貸帑繕本進  
焉既承 俞旨復覲

天顏錫以

宸翰飫以

御筵殊恩曠典億萬斯年永懷先世純意

愈篤往來故山舊隴修築構祠崇祀置田散粟報  
本叙倫敦禮睦族昔聚學者紫陽書屋三面滌溪  
舊規弼復山鄉瀕水族人環居乙夏靈雨汎漲里  
閭修圯增高獲保千廬好行其德涸鱗沾濡或婚  
或喪或老或孤仁心義舉終始靡渝不矜不伐無  
絀無斃筆墨臨摹蘇米酷近陶冶性靈一觴一詠  
風采龍門名言金鏡嗣君繼起青雲發軔清居薇  
省貴典上郡環庭繞膝令子文孫奉觴上壽羅列  
瑤琨長春華屋集福高門期頤自致展也達尊胡  
爾修文赴召九閭驂鸞控鶴降鳧升魂嗚呼楷等  
素挹德輝久深企仰棟折梁摧哲人安往絮酒香



芹傾誠靈爽來格來歆嗚呼尚  
饗

維

康熙五十五年歲次丙申四月庚寅朔越三日壬  
辰年家眷晚生姚謹率姪晚學生元宗謹以辦香  
束帛清酌庶饗之儀致祭於

皇清誥封光祿大夫內閣中書加十二級景翁項老太  
翁先生之靈而言曰嗚呼天不憖遺何奪我翁之  
速耶翁年逾七旬精神如壯盛時抱恙甫一載遽  
爾仙逝哲人其萎悲曷有極謹交忝世誼一旦儀  
型永失馨歎無聞能不悲感交集淚泔泔下耶嗚  
呼翁歎南望族生而岐嶷於書無所不窺年十五  
就傳武林與大家宰浩軒徐公同學聰穎絕倫一



時名流器重稍長歸里應試輒冠其曹會兩大人  
春秋高急於侍養扶輿來揚時齷政大敞翁為調  
劑損益力陳諸當事條分縷析瞭若列眉淮南北  
奉為祭酒

聖駕南巡翁率同事諸公具本叩陳

天顏大霽賜書賜食隆禮有加而齷業遂以大振皆翁  
首事之力也翁生平為人慷慨重然諾以故與翁  
交者無不推心置腹如東海徐大司馬暨江邨高  
少宗伯皆投分締交至今藝初巽亭諸先達稱世  
好彌篤非翁之肫誠足以感人曷克臻此且敦本  
睦族時歸故山凡墓道祠宇廢者舉傾者修一時

增輪奐之美焉他如賑貧周急設藥局立粥廠生  
者資以金死者資以木遠近咸戴其德皆翁之實  
心大德本性而成者也徽郡黌宮傾壞首為倡勸  
庀材鳩工不惜巨萬堂廡輝煌較往昔更為宏麗  
固知食報遠大子若孫鴻名騰達不可枚舉也長  
公經士職列禁近弭筆鳳池待補部曹次公書存  
由佐郡超擢監司叔季兩公名振成均需次大魁  
天下諸文孫林林繼起有國士之風

綸恩疊沛晉封崇階極宇內黼黻之盛孰非翁之大德  
至善有以縣澤於無疆耶謹沐愛既久叨蔭最深  
猶憶庚辛之歲絀於時遇賴翁排解謹得以蒙業



而安皆翁賜也嗚呼公之待謹如此方冀登耄耋  
享期頤朝夕左右仰佩矩度乃以微疴不起謹思  
音容而不見聆歎吐而無聞能不腸迴寸結泣下  
沾襟耶嗚呼酒醴盈樽牲餼在俎靈其歆格尚  
饗

維

康熙五十五年歲次丙申四月庚寅朔越四日癸  
巳年家眷教小弟党璽王鴻烈張製錦鄭爾贊晚  
生申祖文仇世儒喬琮李英王永祉葉蓁等謹以  
瓣香束帛清酌庶饗之儀致祭於

皇清誥封光祿大夫內閣中書加十二級景原項老太  
翁老先生之靈而言曰嗚呼古人有言或重於泰  
山或輕於鴻毛蓋謂舍生取義不可以無死其重  
如泰山也然吾謂雖非其時而大人君子考終牖  
下亦有重於泰山者何也人受天地之中以生其  
寄託也重如行者奉主人之命有所之迨其歸也



以所之復於主人必無負其寄託而後可以告無罪死顧不重哉若我太翁者誠考終之大人君子也已其幼齡也克岐克嶷有識者稱爲千里駒其稍長也受業外傳默解神悟如素所誦習者其事親也先意承志備極色養求之古人中無以加其慎終也附於身附於棺必敬必誠其追遠也修兆域立誌石摹之爲圖慮後有他虞可按圖而得其崇祀也修圯祠置新祠構木運甓塗堊漆髹堅緻完固而不但已也遠祖畫像間有遺失者訪求而裝潢之集名流題咏俾千年舊物一朝復新讀書之堂年久頽廢者重構而繕葺之擇族之秀良者

肄業其中以無忘先澤此其孝於親敬於祖一二大端耳其天性友愛於從父兄弟怡怡然無有異同婚嫁喪葬爲之殫心經紀即終歲之計亦多藉以無缺其羣從子姪諄篤訓誨授之常業令其克家其不振者勗之義田以資贍給端方者厚其膏火以爲表率而復量其材之短長各任以事多方造就焉其用力勤矣此其睦族之誼也推之外家則渭陽之情尤篤推之友朋則濟困周急多蒙其惠排難解紛仁心爲質事難枚舉矣若夫經濟之才則又今世所不可概見凡齟務利病知無不言言無不當每一發議爲有識所引重爲當事所倚



任五十年如一日也前此

聖駕南巡太翁以老成夙望具疏敷陳獲覲

天顏得蒙 俞允頒賜

御書克食誠千古罕見之盛典也今芝蘭玉樹濟濟盈  
庭或仕於朝或侍於家

絲綸疊賁恩榮已極人皆仰企為泰山北斗祝享期頤  
而太翁仙遊絳闕矣嗚呼太翁之盛德大業彰著  
人間全而生之全而歸之所謂重如泰山者蓋其  
人歟壘等夙侍杖屨一朝棄去百身莫贖敬製蕪  
詞隕涕總帷靈其鑒之嗚呼哀哉尚

饗

維

康熙五十五年歲次丙申四月庚寅朔越四日癸  
巳年家眷晚生馬御彩謹以瓣香束帛清酌庶饒  
之儀致祭於

皇清誥封光祿大夫內閣中書加十二級景翁項太翁  
之靈而言曰嗚呼古稱有涯者生不朽者名名之  
既立自足以壽宇宙而傳奕世也然歷數古今曲  
指無多若我太翁者則其人也太翁之盛德大業  
凡有耳目者無不共聞共見嘖嘖稱羨遍乎遐邇  
固已上達

九重聲振京師當代之名公鉅卿無不想望丰采而官



斯土者恨相見之晚

因榮及乎先代顯秩盛於後人太翁固為三不朽之全者矣太翁諒可含笑九原而何必以太翁之逝過為悲悼耶然太翁之名歷百年而常新而情殷於太翁者不可一日而亡也彩叨德教有年自幸終身仰止得人不意忽焉永訣嗚呼眷念音徽邈不可卽止耶行耶昧耶明耶豈蕩而為太空與化無窮耶將發而為光華以廣臨照耶為雨為露以澤下土耶為雷為霆以伸憤鬱耶為鳳為麟為景星為慶雲以寓其神耶為金為錫為圭璧以栖其魄耶抑復為賢哲以生於世耶嗚呼人之云亡傷心

行路故太翁之德炳於天壤太翁之行著於丹青千秋大業不朽盛事太翁身備諸福無毫髮遺憾矣而彩乃失所觀法而無以為高山之仰景行之行也焉能以太翁之壽宇宙而傳奕世而遂抑中心之悲悼耶嗚呼言有窮而情不可窮靈其鑒之哀哉尚

饗



維

康熙五十五年歲次丙申四月庚寅朔越四日癸巳眷晚生羅蘭偕弟荃謹以剛鬣柔毛清酌庶饗之儀致祭於

皇清誥封光祿大夫內閣中書加十二級景翁項太翁之靈而言曰嗚呼高山仰止哲人云亡蘭等無從瞻式咨嗟悲悼誠有不能已者也憶余等弱冠締交於太翁斯時也晨夕相依太翁不以蘭等爲無似而棄之每賜教益甲寅乙卯之際念尊甫春秋高太翁治齋維揚業日駸駸起適值故鄉山寇竊發太翁亟迎來邗以奉朝夕蘭等又得侍几杖之



傷執猶子之禮而太翁篤躬盡孝溫清視饕寒暑  
不輟而荃沐愛更深居常恒語荃曰居家勤儉立  
身孝友人生於世能盡此者可無愧矣故自先君  
見背數十年來蘭等同處一室從無間言皆太翁  
推已及人之誠有以致之也太翁從事鹽筴閱五  
十年先後齎使凡有俾於鹽法者無不諮諏畫策  
太翁言無不中事無不當持籌調度必爲當事同  
人所欽服值

聖天子南巡太翁奮然興起慨爲倡首加勛贏餘帶徵  
借帑邀沐

殊恩鹽法之饒無如今日之善者人均受其益則皆太  
翁之經濟有以致之然也至於遇事紛爭太翁多  
方解釋期於和好乃已荃年來不偶致負友人太  
翁曲爲庇蔭自余羈旅江干睽違四載太翁殷殷  
垂注季春之月言旋邗上亟趨謁時太翁已病居  
寢室毋從把臂未逾一月而遽奄然逝矣嗚呼太  
翁不可得而復見矣喬嶽崩頽而今而後其知我  
者我者復爲誰耶彼蒼者天抑何奪哲人之速耶  
雖然人雖百歲終歸於盡太翁事親以孝交友以  
誠謀事以忠鄉黨以惠馭下以恩且家教淵源令  
嗣賢孫森森玉立克紹箕裘晉登仕版咸推物望  
太翁榮膺



賈誥後衍繁興書云五福太翁無缺焉此天之所以酬  
我太翁者也獨是舍弟叨愛有年更得與令甥封  
翁昆季暨令嗣賢孫諸君子相與友受益良多太  
翁生平懿行膾炙人口誄諡挽詞自不乏人固無  
俟余言然我等感懷重德又何敢不爲之頌揚美  
善也哉又何能不爲之悲傷痛哭也哉茲陳薄奠  
敬表微忱布陳三爵昭告九京尚

饗

維

康熙五十五年歲次丙申四月庚寅朔越五日甲  
午年家眷晚生郝勛吳毓祚吳炘吉盧文燾汪謙  
黃鼎吳弘訓李景和汪鶴齡詹文芬吳世鏗程明  
方爲洲王文澄程德鎮方震遠樊士升謹以瓣香  
東帛清酌庶饌之儀致祭於

皇清誥封光祿大夫內閣中書加十二級景原太翁項  
老先生之靈而言曰嗚呼人生宇宙如駒過隙若  
非利澤施於人名聲昭於時卓然千古超然一世  
者奚能使海內之士聞風而仰止閭里之人瞻光  
而悅服維我太翁乃其人也太翁天懷卓犖寄情



高遠彞美內含英華外著天性孝友夙秉溫良仁  
義維風慈祥化俗不特遠近人士仰止悅服當代  
名公巨卿靡不敬禮納交諮諏善政是以歷事兩  
淮五十年其間易否而泰轉困而通利弊興革經  
畫得宜後值困憊之秋首建挽回之策乃荷

殊恩疊沛商業饒裕若立於廟廊天下蒼生盡蒙其澤  
功業豈僅在於一方已哉勛等久沐旃幪素叨清  
誨方賴老成令德令儀俾夫薄者可使敦漓者可  
使淳忍者可使慈肆者可使斂斃躁者悉化爲和  
平胡天不弔竟奪我太翁而長逝也耶訃音所至  
莫不悲號况勛等誼切情深雖罄安仁之誅筆何

能敘此酸辛殫庾信之銘言未足形茲悽惻矣至  
於新祠宇置義田注意力學之輩調護遇事之人  
增築石隄保障千室不恤多金完人婚嫁喪葬排  
難解紛悉爲殫心均其休戚待人以恕御下以寬  
種種懿行彰彰在人耳目又不待勛等揄揚而後  
著者也嗚呼太翁勤養志之勞效魚鹽之隱雖不  
必致君澤民然而宗族鄉黨江淮吳楚之間所以  
追蹤古人之居仁由義者固不少愧耳迄於今蘭  
桂森森職居中外行見抒忠君愛民之心報國昌  
後在太翁食報正未有艾也惟是勛等追思疇昔  
邈若山河嗟懿行已爲陳迹慨嘉謨無復嗣音能



不悲哉能不悲哉薄具生芻用申一奠惟冀神鑒  
來格來歆尚

饗

維

康熙五十五年歲次丙申四月庚寅朔越四日癸  
巳眷姪楊士源晚生程朋謹以辦香束帛清酌庶  
饘之儀致祭於

皇清誥封光祿大夫內閣中書加十二級景原項太翁  
老先生之靈而言曰嗚呼季春閏三月初六之夕  
風雨淒霏雲山黯淡突聞剝啄聲甚急啟戶視之  
則程子坤南愴惶而至詢其故泫泫淚下而言曰  
翁今逝矣嗚呼翁之鴻才碩畫樹望鄉國而天乃  
奪其算遠近親知共深哲人其萎之傷而源與程  
子兩人夙忝世誼素佩德音悲悼又何能自己哉



祭車靈錄卷二  
三  
憶翁至廣陵創業伊始訂縞紵之歡結死生之信者惟程子伯祖象六太翁共先君三人耳比時源方總角與翁長君同事舉子業見三君子朝夕往返有疑必商有商必悉如左右手雖同氣所生不  
是過也厥後先君子與象六太翁相繼辭世翁爲視斂撫棺不勝慟悼憐愛源等較昔益篤雖歷年已遠每向源等念及先君猶悽愴懷思愀然不樂則翁之敦古處重交情爲何如也嗚呼追維先訓率迪無從所仰止者惟翁耳今一旦棄捐源等之哭奚能已歟翁孝友本於天聰穎超於人文章德業傳於奕禩感先人之靈獲累世之像損萬金之

費修百代之祠陳積苦而達

天聽解兩淮之困篤友誼而拯飢溺普博愛之仁宜享年有永卜算無疆奈何老成凋謝大雅云亡仰其德者誰爲示待其惠者誰爲施也豈不痛哉所可慰者中翰公副使公以及叔季諸君凜遵翁訓常懷報

國之忱霖雨蒼生指日可俟洵乎齊肩薛鳳旣常教孝而教忠抑且繞膝荀龍莫不聞詩而聞禮淵源相承繩繩不墜翁亦可無遺憾矣獨是源等泣念故交悲思舊好望典型而不見溯耆範於何存益嘆世之賢豪不易得而交遊之常聚爲難繼也臨風



隕涕敬將絮酒靈其有知來格來歆尚饗

維

康熙五十五年歲次丙申四月庚寅朔越祭日甲午年家眷晚生張文煊謹以瓣香束帛清酌庶饗之儀致祭於

皇清誥封光祿大夫內閣中書加十二級景翁項老年臺老先生之靈而言曰嗚呼惟我太翁篤生世族華胄承芳新都流馥嶽鍾其秀川毓其靈希賢希聖服道履仁少事二人克勤子職色養無違孝思維則一門之內肅肅雍雍齊名先哲文獻呂公禮法恪遵言動不苟恩施三黨信孚良友博通經史高慕羲皇螢窗雪案食息弗違夙負異才亶稱多



藝先業躬扶術精陶計經營鹽筴足國庀家赤仄  
盈屋黃金滿車翁不自侈退然以下樂善敦倫爲  
世廣履和風霽月叔度汪洋公卿折節獻縞登堂  
里頌仁恩人欽高致周急贍貧美不勝識歲洊饑  
饑哀鴻嗷嗷翁倡利濟潤以雨膏顧瞻荒原肉其  
白骨殖德何隆逮及存歿若翁自奉不事綺靡布  
衾革帶茹荼飡葵刑于室人縞綦儉素昧旦雞鳴  
靜好可賦誕育名賢咸亢厥宗謝家寶樹荀氏人  
龍趨庭濟濟顯揚是賴移孝作忠敷歷中外

榮封疊至萃於一門同堂四代令譽颺聞舞衣堦前含  
飴膝上履蹈康寧不扶鳩杖自少至老清德彌堅  
聲色不御善全其天至樂林泉寄情筆墨排斥老  
莊卓然不惑年逾古稀形神孔腴倏焉謝世羽化  
雲衢行道欵歎親朋痛惜自翁長徂於何景德素  
懷仰止忽失典型拜翁遺像愴怳靡寧仙馭雖遙  
芳徽未往敬陳一奠來格來享尚

饗



維

康熙五十五年歲次丙申四月庚寅朔越三日壬辰年家眷晚生汪璟吳延祿許光憲鄭來周汪鯨黃昭羅聖翼孫翼胡維濬鄭恕徐旦初張珩許茂齡吳緒周黃爾偲張思瑄高堂芸查延賞潘兆旭金時潤汪德沛洪允澤鮑兆瑞程可章許龍友葉祖齡蔣宗琥程國迪吳昌吉黃豫鉉方瓚汪洪胡廷潤孫蘭苾金啟南黃爾純江滔閔嶠吳允謨方曰瑄程文藻汪應黻鄭宗儒方淳羅蛟羅思齊汪元春孫蘭芬吳師廷吳若極高摺黃易汪烜然吳日燮戴元琛姻晚生程士麟姻晚學生程兆莊謹



以清酌庶羞之儀致祭於

皇清誥封光祿大夫內閣中書加十二級耐菴太翁項  
老先生之靈而言曰嗚呼德宿潛光則星躔為之  
變色瑤峰剗彩則列嶽為之震驚而况高賢之長  
往為當世所悼心惟我耐菴太翁之逝也戚族含  
悲既已臨風而灑泣知交感歎尤當墮涕而沾襟  
惟昊天之不弔乃遽喪茲典型邈其幼秉異姿家  
學克承夫燕翼長孚令譽威儀式著夫鸞停愷悌  
慈祥行誼獨優於天賦純明孝友敷施咸本於性  
成美輪奐以固宗祠法祖力肩鉅任修長堤而鞏  
磐石惠民不惜兼金經術匡時如管子之謹鹽策

誠懷籌國若劉晏之裕天京故能名達

九重駕南巡而寵邀

宸翰階崇一品章服御而鶴繡垂紳群彥推之為祭酒  
耆舊譽之為國楨自江淮荆楚之間知其為古之  
君子即海澨山陬之際皆識為有道仁人惟其慶  
基福全粵康寧而壽考爰乃光昭駿業貽令子而  
文孫長公通籍清華儲秉軸秉鈞之望次公宣猷  
岳牧竚建牙建節之勲矧夫諸孫玉立森映階之  
琪樹曾孫鵲起翔繞膝之龍文珥筆萃金閨之彥  
連枝蕃元圃之珍聿肯堂而肯構亦是訓而是承  
方將疊拜



鳳書宸藻光揚舊德次第捧陳

鳳誥賜衣恩賚者甚奈何時不少留備鼎鍾之祿養而  
遽丹臺應召憑鶴馭而飛昇俾茲畫錦之堂倏皓  
烏之集幕往日春風之座驚素車之在門目斷平  
山而黯翠神馳邗水而涕零璟等或受長公夙昔  
之知擬奉慰而莫及或託文孫縞紵之好欲致唁  
而未能顧同儔而太息悼先輩之沈淪悲從中來  
不克展生芻之奠愴衷靡已但遙申祭酒之忱指  
蘭茝以涓潔緘椒櫛而薦馨惟太翁鑒此寸心賁  
雲旂而來格念璟等誠注一爵停芝蓋而來歆尚  
饗

維

康熙五十五年歲次丙申四月庚寅朔越三日壬  
辰年家眷世姪沈鏜謹以香楮束帛之儀致  
祭於

皇清誥封光祿大夫內閣中書加十二級景翁項老世  
伯太先生之靈曰於戲太翁哲人其竟萎耶仲春  
太翁臥疾鱗日在左右諸嗣君方籲天謁良醫以  
冀康復胡竟不起而至於飯含致禭也能無慟乎  
夫死生大矣負手之歌易箆之言聖賢不免也長  
生久視如松喬詎可得者今太翁年雖未耄已踰  
古稀是若可以無慟而哭者固無不慟豈不以德



式家邦才長經濟名達

九重爲當世可惜八耶而鱗之慟者則異是憶昔太翁游學武林與大冢宰徐公暨先君子先季父嘗同硯席賞晰之暇握手論心稱莫逆友未幾徐公掇巍科宦京邸而太翁與先君子先季父屢躋名場遂相與棄帖括治生產嗣是閱歷歲華交情彌篤真友生而急難者此固先人之厚我太翁亦太翁之厚我先人也鱗以通門世好從先君子後執猶子禮於太翁前距今四十餘載蓋自徐公薨先君子季父各下世鱗煢煢孤露即賴我太翁進而教之眷顧之恩勤拳周至近復招致鱗兄弟隨材委

任期玉於成此又太翁之因我先人厚我兄弟也諸嗣君以倣儻瑰瑋之才豁達之度親愛亦愛其折節與鱗兄弟交厚有加焉嗣君之厚由太翁之厚也夫鱗以先人之故得邀厚於太翁方幸追隨杖履側聞教誨庶幾勉自淬厲以供驅策何天不弔奪我典型之速乎鱗兄弟失怙以來見太翁如見父焉不幸太翁復逝則鱗之不勝其慟於太翁者誠異於人之慟於太翁也雖然太翁哲人也五福備於身以及於子若孫太翁亦足矣何以慟爲其慟也情也鱗之慟尤情不能已者也於戲靈如不昧其鑒斯情尚



饗

祭輓彙錄卷十一

祭輓彙錄卷十二

祭文

維

康熙五十五年歲次丙申四月庚寅朔越三日壬辰年家眷晚生卞汝楫偕弟瑾汝璨汝玠男晚學生椿謹以剛鬣柔毛清酌庶饁之儀致祭於皇清誥封光祿大夫內閣中書加十二級景翁項老先生之靈而言曰嗚呼史遷有曰太上立德其次立功其次立言斯三者天壤不朽事也嘗惜人以七尺軀具造物之精英同形骸於草木閻閻汶汶荏苒無成考其生平大率胸懷狹小目未覩古聖先



賢之書耳未聞當時成敗得失是以敦本蓄德凡  
內而九族三出外而國事民情略無負荷以致宇  
內之事無一可勝艱鉅之投卒為廢墜也若夫我  
翁詎非國之禎家之幹不可一日無之者哉而何  
遽厭塵濁作五城十二樓之遊也翁幼抱偉器譽  
擅高門其天性純篤迴邁儔伍為兩尊人謀甘毳  
之供乃棄帖括挾鹽策遊淮南及聞家山萑苻之  
警迎養於邗順志承歡克盡子職是猶為山者基  
址既固後此層累以循次進也則試問今日之世  
孰肯置負郭常稔之田為宗族謀衣食乎曰惟我  
翁孰肯修葺墳廬追尊先世使泉壤邀

綸綍之輝創立魏祠同姓合饗使碑碣樹千秋之望乎  
曰惟我翁孰肯行蘇公之義築隄捍水俾閭閻蒙  
業而安乎亦曰惟我翁孰肯推晏子之仁聯情親  
黨禦侮立後計婚嫁而同休戚乎亦曰惟我翁孰  
是臨大事決大疑慷慨建白指掌而談者乎亦曰  
惟我翁翁於親族交遊之際抑何懃懃懇懇也由  
是以長世之德而為裕國之才紀綱齟務規時變  
悉機宜偉論碩畫調劑多方杜漸防微不啻燭照  
而數計蓋其才華器識衛衆容人領袖兩淮垂五  
十載不惟同事老成傾倒推服凡諸當事以及名  
公巨卿諮謀無不及凡



聖天子詢鹽法之利弊無不以翁之名上對曩者  
鸞輅南巡駐蹕高又翁進覲

天顏獲邀

宸翰真千載一時若非翁之夙望不能擔荷若斯之重  
也迄今免贏減勛貨幣緩徵國裕商寧凡歌頌

聖朝之雨露者亦皆嘖嘖於我翁之力由是論之翁之  
德與翁之功與言豈不卓然樹立而為邦家之光  
也哉昔先君子與翁通縞紵之歡亦已久矣自先  
君子下世翁念孔李通門情深故舊凡屬持籌均  
叨教益而且丰神和粹藹若春温既而楫等兄弟  
與賢嗣或砥磨於几席之間或商確於鹽筴之事

肝膽相照道義相維則世講之誼也三世通家情  
逾骨肉今賢嗣筮仕通顯榮邀

紫誥孫曾振振皆將致身

禁近鵲起蟬聯閭閻之人見其閭閻崢嶸豔稱翁之福  
而楫等謂積厚流長天道不爽又何必為翁異哉  
惟是典型凋謝碩果無存白馬素車之感烏能不  
耿耿於懷也生芻一束佐以蕪詞神其有知來格  
來歆尚

饗



維

康熙五十五年歲次丙申四月庚寅朔越三日壬辰年家眷晚生汪守仁偕男晚學生從晉宜晉謹以剛鬣柔毛清酌庶饗之儀致祭於

皇清誥封光祿大夫內閣中書加十二級景翁項老先生之靈而言曰嗚呼太翁黃山鍾秀歛浦儲靈產元魁之閥閱擅川嶽之精英洵才德之蓋世欲指數而僕更當幼齡而就傅每默識於無聲觀大旨而了然歎妙悟之夙成暨游學於武林兮與高賢碩望而齊名為文立就不加點兮合矩度而可程抱此弘器功之齊拾芳爰魏科而崢嶸念治生之



為急兮謀孝美於親庭彙帖括以客邦江兮挾齶  
策以經營子城克盡奉滫瀡兮恒先意而將迎迨  
椿萱之令終兮哀毀過禮而零丁扶櫬歸葬兮夢  
親點穴而獲佳城非孝思之肫摯兮胡以潛格夫  
幽明嗚呼此其百行之首也若夫齶業運畫遇事  
敢行為有識所引重輒聲譽之錚錚邀賞識於鉅  
公兮羣把臂而訂盟歷受知於當路兮接以殊禮  
而傾誠有因革而諮詢兮必條對之詳明值  
翠華之南幸兮首具本而求帶徵

天顏有喜以

賜書兮竝克食之縱橫羨曠典獨被兮乃不代而不矜

至其懿行覲縷增重鄉評既敬宗而尊祖兮亦友  
弟而恭兄兼睦婣而任恤兮更慷慨於懿行往故  
山緝先塋兮修復宗祠以峻增新祠作而規制閎  
兮古像來鬻神式憑棣萼相輝兮孔懷堪稱滌溪  
再建兮舊址聿興義田廣置兮貧窶咸寧築隄障  
水兮何憂乎駭浪之奔騰施及外戚兮繼絕而舉  
廢念黌宮之圯毀兮更捐金以經營所以邦人慕  
義兮同業交推為主盟事無巨細咸就正兮為人  
排難而解紛賦性剛直而無依違兮豈惟一代之  
典型維天眷德兮覩賢嗣之顯榮

誥封極品兮樂華之頌膺庭訓勛以靖共兮大義炳



照於日星享於景之優渥兮弄翰墨以怡情膺壽  
考之無疆兮疇得比於錢鏗胡溘然先朝露兮騎  
箕尾以上升哲人之云亡兮山頽木壞而心驚在  
守忝竊葭莩兮承顧盼於生平今誰仰而誰倣兮  
不禁涕泗之盈盈敬陳辭而酌酒兮魂髣髴其來  
凭嗚呼哀哉尚

饗

維

康熙五十五年歲次丙申四月庚寅朔越三日壬  
辰年家眷晚生方密方嶠謹以剛鬣柔毛清酌庶  
饗之儀致祭於

皇清誥封光祿大夫內閣中書加十二級景翁太老先  
生之靈而言曰嗚呼以公之才之德留其身閱世  
百年亦猶未慊人願若大耋去今僅七載耄亦僅  
十七載此固謂公必可致者也而公固奄然逝耶  
自昔稱七十曰古稀於壽固爲修矣然人之所爲  
願於公者豈止是而已哉自公僑維揚業鹺務爲  
兩淮祭酒以甘身係公必休戚者數十年縉紳逢



掖皆曰不可一日無項公長老後生皆曰不可一日無項公

輦轂賢公卿及四方當道賢大夫皆曰不可一日無項公若公之懿說執友與凡通家子弟素奉教於公其為不可一日無公者尤未易悉數也而公不肯少留其身副人士願望之私以荅當道名賢傾慕之雅其為欷歔感悼者又豈獨吾輩通家子弟素奉教於公者乎而晚之於公則尤有愴然而不能已者昔先君子嘗荷公忘年交誼仰公典型每諮諏於公公無不委曲懇款久而彌篤及先君子卒而公於晚輩尤勤勤惓惓勗以道義資以謀慮公

於故人存亡始終不少渝變每與晚語及先君子未嘗不為悽惻則即晚之所奉於公與公之所誨於晚者抑亦可以知公之大凡矣即晚之素所感於公與今日之所悼於公者抑亦可以知人於公之大凡矣公孝友稱宗黨經濟施邦國鴻文法書妙絕當世受知

聖主寵賚優渥貴顯奕葉公德則致然也文章德業載諸口碑行且傳之史冊永垂楷範當代完人罕與為比賢嗣諸先生許身稷契致位台鼎令孫諸世臺紹休揚烈耳譽日隆迄於曾孫茁芽吐秀弓冶相承無非國器寧見巍斗上第直可券取公於疇



福無不備致昭。人。世。遠。遊。帝。鄉。當。復。何。憾。而。獨  
人。之。所。願。望。於。公。者。不。能。已。於。悲。思。也。謹。以。不。文  
之。辭。不。腆。之。儀。上。獻。於。公。惟。鑒。其。誠。而。式。憑。焉。尚  
饗。

維

康熙五十五年歲次丙申四月庚寅朔越三日壬  
辰年家眷教小弟吳景沆黃爾傑晚生潘兆昇晚  
學生制江嗣仁謹以剛鬣柔毛清酌庶羞之儀致  
祭於

皇清詔封光祿大夫內閣中書加十二級景翁項太翁  
先生之靈而言曰嗚呼公其遂奄然而逝耶公自  
昨歲邁微疾今嗣諸世臺廣延名醫虔籲北斗固  
謂公厚德遐福上壽必可致偶抱疾無足憂者而  
孰意今春增劇臥不復起遂乃奄然而逝耶夫公  
於兩淮蓋榷榷也棟折衰崩凡託業於斯者蓋競



競焉覆壓之具惟以故自揚達儀無慮千百家於  
公歿之日奔亡驚悼齋咨涕洟而歛南故里及四  
方遠近聞公訃者其為驚愕哀悼又豈異耶江南  
財賦甲天下而淮鹺尤甲諸賦前此

六飛南狩

殊恩壘沛復荷

特簡宿望儒臣督理鹺政公昔綱紀兩淮自始事至今  
歷五十年其間利弊興廢征輸緩急與夫徵貴徵  
賤公無不剴切指陳動中窺會當事重公宿德率  
虛衷採納上則富國下則富家孰非公學問經濟  
道之所符而自然之驗耶公顧不肯少留其身以

庇兩淮而遂奄然以逝也公以老成知大體嘗於  
茱萸灣率同人覲

天顏頒賜

御書克食誠屬古今曠典及奉

朝命晉階一品尤稱異數公鴻文法書妙絕一世後以  
孝養棄帖括從事鹽筴卒乃疊荷

天恩顯榮先世亦可謂儒者隆遇已公年逾古稀魯穆  
叔所謂三不行公兼而有之厭棄人間遨遊帝鄉  
公復何憾而系所瞻仰於公者不能不痛惜於泰  
山梁木而潸然出涕也沆等與公梓里周親蘭言  
世講仲君書公卜宅鑿工與數晨夕尤稱莫逆文



子文孫名賢輩出並得追殷勤贈縞紵則於公有  
倍切於等倫若於公之歿能無深慟乎哉嗚呼公  
已往矣公道頌於躬德施於物家庭孝友邦國楷  
模賢嗣清班黜秩敷歷中外行且邀上第位台鼎  
令孫諸世兄紹承世烈德弘業茂當代有荀龍之  
日迄於曾孫芝蘭玉樹濟濟林立公之貽謀日益  
遠而流澤日益長其亦可以含笑於九京矣而人  
不能不為惜且慟則公之所感於人者德何如乎  
薄具不腆上獻於公幸鑒哀誠嗚呼尚  
饗

維

康熙五十五年歲次丙申四月庚寅朔越四日癸  
巳年家眷晚生郝正綱正紀謹以瓣香束帛清酌  
庶饘之儀致祭於

皇清誥封光祿大夫內閣中書加十二級景原項太翁  
老先生之靈而言曰嗚呼古人之死久矣而今人  
恒嘖嘖稱道不衰而敬而尊之若無異於其生者  
蓋緣古人生平制行卓卓垂當時而傳後世實令  
人感慕悲思而不忍以死視之也若太翁者其今  
之古人乎千載以下猶深仰止况交忝世誼夙欽  
鴻範一旦永別比晚等於瞻拜之際不待歌哀些



賡薤露發人哀思而淚自盈眶下也蓋嘗思太翁  
生平之合於古人者政指不勝屈矣今試問深潛  
純粹默解神超如顏氏之不惰者誰乎曰惟太翁  
綵服承歡敝屣功名如萊子之不仕者誰乎曰惟  
太翁醇謹友愛一門之內肅肅雍雍如萬石君之  
家者誰乎曰惟太翁又誰爲才堪用世學可濟時  
據劉晏之座奪計然之席者乎曰非太翁不能也  
誰爲息機汾水養志東山羣推桃李門牆共稱王  
謝子弟者乎曰非太翁不能也而且憐孤寡恤困  
窮羊舌氏行於前劉凝之踵於後古人之施惠也  
而太翁與之齊憫故舊急死喪脫左驂而不惜捐

麥舟而無吝古人之爲仁也而太翁與之並本支  
是篤宗祏是修詠世業之駿烈彰累代之清芬古  
人之至德也而太翁與之儕至興酣落筆五嶽俱  
搖吐語驚人群英盡服建論當乎人心則又非今  
人之可幾矣太翁生平之合於古人者指不勝屈  
如此奈何遽溘然而長逝也乎此所以遐邇聞訃  
悲悼無窮也然太翁之年七十有三以言乎壽不  
可謂不永當時有聞後世有傳以言乎名不可謂  
不榮內翰公而居清要副使公職並薦班薛鳳荀  
龍翩翩繼起以言乎福不可謂不厚至所經歷事  
業皆起衰振廢剴興弊革以言乎功與澤又不可



謂不弘而溥矣然則後人視太翁又何異乎今人之視古人乎况等藉庇萬間躬承令德於今兩世邇年以來太翁習靜內齋屏息喧雜晚猶以不獲時奉教几席為憾豈意泰山遽頽梁木頓折使我瞻仰無從耶躬詣總帳載奠生芻靈馭非遙庶幾爽格悲哉尚

饗

維

康熙五十五年歲次丙申四月庚寅朔越四日癸巳年家眷晚生馬御文謹以瓣香束帛清酌庶饌之儀致祭於

皇清誥封光祿大夫內閣中書加十二級景翁項太翁老先生之靈而言曰嗚呼凡為賢哲有無忽兮振古如斯斷不誣兮維我太翁間氣鍾兮太樸之真具洪濛兮渾淪之氣固敦龐兮鬱而為瑞篤生翁兮吉人藹藹如春溫兮黃髮兒齒壽考終兮老成雖殞國之型兮推翁之系伊惟古兮忠貞世篤播江漢兮詩禮家專誰式廓兮翁也其後振繩誥兮



英年奮學同川受兮植是禾黍芟稂莠兮績錦摛藻超曩喆兮荆文宗匠疇堪埒兮世居歛溪縣瓜瓞兮載遷於下偕鳳卜兮迎養高堂孝思則兮營葬佳城吉穴感兮請贈

榮封彰先德兮丹牖宗室先祖澤兮義田廣贍惠澤流兮洞沸奠平千室保兮出理鹺務五十年兮扶衰救敝甦兩淮兮緩征借帑覲

天顏兮

御書頒賜重老成兮當事推崇尊齒德兮鉅公折節恨見晚兮振興郡學人材育兮雪冤保士隱受庇兮恤貧濟困無德色兮排難解紛處中節兮待人以

恕傾心向兮接物以慈千秋祝兮夫何南箕斂鍔彩雲黯兮羲暉沉駕白露沈兮嗚呼梁木云壞哲人萎兮江波秋渺楓灑血兮悄兮寂兮恍兮忽兮溘焉留餘還造化兮翁雖淹逝有遺澤兮惟德不忘可無夢兮年享稀餘不為歿兮嗣君柱石昌厥後兮孫枝亭立繩祖武兮履順而來履順往兮顧茲總緯酌椒漿兮翁其有靈鑒予忱兮嗚呼尚饗



維

康熙五十五年歲次丙申四月庚寅朔越四日癸巳年家眷晚生吳師伋陸鍾英吳師容等謹以辨香束帛清酌庶饗之儀致祭於

皇清、誥封光祿大夫內閣中書加十二級景原項老太翁老先生之靈而言曰嗚呼公之德自少及長彌恭彌恪至於老而不衰可以昭垂來葉百世不朽公之才理煩治劇泛應曲當鉅細得其宜近則親族戚屬遠則殊方異地莫不推重而敬服公之學出入經史淵源有自其所以崇其德廣其才者皆學也書之圖策廣代之下私淑之士猶將觀感而



興起况晚等躬承教益親炙之者乎悲哉公之德於晚等厚矣知依十有餘年風雨晦明侍立之際教誨殷勤耳提面命視同猶子教其不知而恤其不能寒則燠之煖則噓之雖受姓各殊而情逾骨肉今一旦奄然長逝能不悲哉計今春履端之始拜賀嘉慶公握手道故爲之治飲具召黎園留連數夕極盡歡洽晚等私相慶幸以公年過古稀雖小有違和而視聽神明一如平昔惟仁者壽信有徵也豈期報德之未遑忽銜哀於永訣悲哉公博學能文工書善弈直追古人其所以彰彰耳目者如修郡學葺宗祠置義田築石隄皆殫心極慮各

盡華美流亡者贖之患難者周之爲善之念未嘗一日忘於心也然天之報施善人亦自不爽公之名

聖主知之矣賜之

上尊錫之

寵章矣五花之誥榮封極品矣長君薇省名臣次君廡衣臬副叔季鸞騫鳳翥連茹同升孫枝蔚然荀龍謝鳳將來德業功名豈有量哉嗚呼公彌留之際以胷無一事咎人真脫然生死者語云慧業文人應生天上遮須國王芙蓉城主洵不誣矣但天不憖遺哲人其逝思報德無時徒銜哀永日不知涕



各車宗金卷三  
淚之何從也哀哉有肴在俎有酒在樽神其有靈  
來格來歆尚

饗

維

康熙五十五年歲次丙申四月庚寅朔越祭日壬  
辰年家眷晚生余璉喬惟棟鮑秉玫程畹佩盛元  
祐汪惇晚學生葉弘宜謹以剛鬣柔毛清酌庶饗  
之儀致祭於

皇清誥封光祿大夫內閣中書加十二級耐菴太翁老  
先生之靈而言曰嗚呼德星隱曜南極沈光蘭摧  
楚魄玉毀崑岡泉聲嗚咽雲影悲涼於惟太翁丹  
穴鳳凰歸然闕閱奕葉冠裳元魁科第聯翩而翔  
太翁誕降逢時熾昌冲齡穎異日識千行十五遊  
學就正賢良提筆立就才思汪洋同學宿儒遜讓



弗遑業成歸里應試名芳抱此器能功名曷量屢  
念椿萱子職是防因謝帖括客於維揚運籌離業  
應務多方群言沸羹片語津梁一時儕偶咸共稱  
揚僉曰老成當事迎將禮優數異迴出尋常聲譽  
籍然上達

天閭特膺

帝眷宸翰輝煌名公巨卿往來此鄉爭相結納修刺登  
堂太翁謙約愈絕矜張性敦孝友誼篤倫常姜魚  
手進陸橘懷藏晨昏定省綵服輝煌洎失怙恃形  
毀神傷號呼標擗忽忽皇皇終鮮兄弟友于同堂  
死生婚嫁計及周詳敦誼睦族衣食劬勩崇祖敬  
宗源遠流長報本追遠春露秋霜兩祠並峙禴祀  
蒸嘗祖功宗德積而未彰

贈階一品榮被泉壤惟茲大節炳炳昭彰旁及他善感  
人莫忘理明氣沛醞釀書倉臨池潑墨蘇米抗行  
拈題得句詞意三唐慈祥懇摯事業堂堂義田贍  
族加意秀良學宮重建六邑生光軫恤飢寒毋令  
其僵募傭成祠以救歲荒活人無算澤沛家邦仁  
至義盡

國史流芳嗣君多質班馬頡頏伯仲叔季聯絡騰驤文  
孫濟美才品優長曾元奕蔭觸目琳琅正期食報  
耄耆無疆詎料嬰疾脫然云亡胸無一事鶴馭蒼



茫十洲三島優游徜徉生芻一束清酒一觴靈其  
來格几筵升香哀哉尚  
饗

維

康熙五十五年歲次丙申四月庚寅朔越二日辛  
卯年家眷晚生陳光朝張翊謹以辦香束帛之儀  
致祭於

皇清誥封光祿大夫內閣中書加十二級景翁項太老  
先生之靈而言曰嗚呼太翁棄捐人世匝月於茲  
矣晚等自撫棺痛哭後即欲彙編懿德撰數語以  
慰尊靈及濡毫伸紙而感極悲來輒為中輟亦由  
我太翁善行多端深懼挂漏有未易言其概者如  
百行莫先於孝我太翁之事親愛敬交至不在問  
安視膳之文至於追遠報本備物盡誠其孝行不



勝舉也推恩始自親親我太翁鳩族聯宗由期功  
袒免以及一本同源者皆爲之敦睦其事不勝舉  
也欲言其學尚淵源而秦漢以下之書靡不淹通  
詩宗李杜字法米蔡蘇黃淺學者安能窺其奧耶  
欲言其博愛施仁而平日之排難解紛恤災濟困  
其顯然在人耳目者固覩縷難窮且有事關名節  
陰行其德而不欲使人知之人亦卒無知之者不  
知凡幾也曷能一一指而數之哉若夫全備箕疇  
之福頻邀

聖主之恩子貴孫賢一堂四世又人人所驚竒豔羨不  
靳綺語麗詞以表揚其盛者晚等鄙陋無文質言  
之又恐貽有識之譏也惟自識荆以來即蒙授館  
授餐肫誠相接或事介疑難每虛懷咨訪有所言  
罔不聽從至於翰墨文詞特邀賞識而且推心置  
腹榮悴相關朝有祖建華王廟歲久將頽乃荷購  
材葺治而丹楹畫棟煥然改觀其明德昭垂寧有  
艾哉翊之親喪未葬延地師涉水登山窮年不決  
太翁諭以地凶心造亟亟歸營兆域勿爲形家惑  
去年冬杪各口里開入別太翁第見雙眸炯炯瞻  
視不異常時猶訂春和景媚相與買棹新安遊黃  
山遍攬三十六峰之勝私心自喜咸願捧袂追隨  
仰承清誨孰意二豎爲殃一朝長棄我太翁未作



外紀彙編卷之十一  
黃山之遊已稅邊瀛之駕耶迴念十年知己畢世  
難忘既不能濡毫伸紙以慰尊靈而緬想馨歎音  
容依然如在不所不禁悲從中來淚涔涔下也序屬  
清和禮裡上亨虔致哀詞神其鑒格嗚呼尚  
饗

維

康熙五十五年歲次丙申四月庚寅朔越二日辛  
卯年家眷晚生鄭之參之舍之偃謹以瓣香束帛  
清酌庶饁之儀致祭於

皇清誥封光祿大夫內閣中書加十二級景原項太翁  
之靈曰嗚呼何天奪我翁而逝耶從來死生之際  
人所難言使其生也於世無所重輕則其歿也亦  
猶夫人耳烏足惜也若夫才名既茂德望復隆名  
公巨卿素所推重且也練達勤敏數十年來上而  
當事下而同儕交相倚賴為兩淮中不可少之人  
一旦奄忽無論知與不知訃音所至無不悼惜而



與悲况交深兩世追念從前往復之情此際更當  
何如也嗚呼悲哉思我翁孝友之行篤於家庭嫻  
睦之風高於族黨推解之德徧於江淮至於維持  
鹽法脩極辛勤不遺餘力如借帑緩徵諸大事生  
平經濟則又赫赫在人耳目間皆共見共聞人人  
能稱道之者姑不具論惟是先君業鹺於鑿江與  
翁同事最久莫逆之交無過於翁參等垂髫之年  
即蒙教愛一言一動心切誌之奉為楷模去秋不  
幸先君見背屈指父執漸次凋零聞翁精神未減  
於往昔所謂魯殿靈光巋然獨存以為奉教之日  
尚無既也生知不數月而天復奪之而去耶在翁

年逾古稀春秋不為不高家道豐隆事業不為不  
盛長君次君聯翩

皇路聲譽翕然身膺

帝誥命服煌煌且子既有孫孫復抱子芝蘭玉樹濟濟  
庭階人間厚福脩集一門飄然長往未嘗不含笑  
於九京顧念先君之舊參等欲親道範杳乎難再  
且思

聖天子在上軫恤淮商院道兩憲清廉正直商業之審  
時達變早晚參酌正賴有人老成淪喪不重可惜  
哉敬治一卮恭奠靈几不禁言與淚俱也翁其有  
知尚其為我來格而來歆耶嗚呼尚



饗

維

康熙五十五年歲次丙申四月庚寅朔越祭日壬辰眷晚生江國安江國家率姪家祥等謹以剛鬣柔毛清酌庶饗之儀致祭於

皇清誥封光祿大夫內閣中書加十二級耐菴項太翁之靈曰嗚呼人之生也全而受之必全而歸之故惟負盛德者後令名創大業者膺厚實不必享百年之壽而已動人千古之思非尋常所可及也若我太翁其真生有餘榮歿無遺憾者哉太翁先世貽德累澤難更僕數迄今詩禮相承簪紱相繼蓋吾鄉望族也幼秉異姿讀書萬卷落紙千言每試



輒冠軍行將掇科第如拾芥乃以志在四方不欲  
伊唔一室卜居維揚運畫鹺政因利革弊商民便  
之五十年來誰爲綱紀兩淮俾商業日新而月盛  
者微太翁之力不能也是故同儕賴以幘幪而當  
道服其經濟者

皇上南巡復邀曠典一時賢大夫相得甚歡名高望重  
豈偶然哉太翁賦性孝友迎兩尊人於邗江晨昏  
定省竭盡子職其後營葬以孝感所致遂得吉壤  
他如請

恩封繪遺像修古墓建宗祠報本追遠何孝思之無窮  
也待諸父昆弟贍給備至而又闢別墅以育秀良  
置義田以周貧乏築高隄以安室廬族之人無不  
陰蒙其惠者太翁尤惠及姍黨施與靡倦危急則  
拯之熒孀則濟之交友以誠接物以和持躬以敬  
立言以直美不勝書太翁實爲當代之全人也今  
年踰古稀矣居恒喜詠吟工書法天真自樂方謂  
期頤可卜永以無恙詎意德星乍隕哲人其萎乎  
嗚呼太翁碩德殊行已足不朽而且令子早遂顯  
揚文孫皆爲俊髦蘭桂森立簪笏盈牀將見華表  
榮題指日可俟太翁駕黃鶴而臨之其亦可笑傲  
雲中矣雖然泰山之模範一旦淪亡縉紳故友閭  
里細民咸流涕而追思况國安等瞻仰有素厚邀



太翁之恩而音容遽杳忽失庇蔭哀慟其能已耶  
爰陳薄祭用告几筵靈而有知鑒茲微悃嗚呼尚  
饗

祭輓彙錄卷十二





